

**網議政事**

只要有利益，就有永遠嘅敵人。為咗解決攞炒派就傳統「飯民」立法會議員應否延任嘅內部矛盾，民主黨林卓廷（三白眼）上月底就同抗爭派嘅鄒家成展開首場辯論，但最後變咗對罵收場。前晚，「三白眼」再「迎戰」嘅新界東「初選」出線嘅「獨派素人」劉穎匡，當觀眾以為兩邊又要互相攻訐嘅時候，竟然呆到跌咗眼鏡，事關劉穎匡係呢場「辯論」不斷認同「三白眼」講嘅嘢，係踩緊其他「主留飯民」嘅時候又大讚「三白眼」「好認真、好有心」，令網民一度以為去咗平行時空，仲質疑「三白眼」同劉穎匡夾埋做騷，似為咗拋棄同黨嘅隊友、準備「單飛」嘍！

香港文匯報記者 鄭治祖

「三白眼」上次同鄒家成嘅辯論雖然言之無物，但雙方起碼都嚟到面紅耳赤，點知今次佢同劉穎匡嘅辯論和諧到成個講座咁款，事關劉穎匡似乎忘記咗抗爭派要「主留飯民」一個不留嘅立場，竟然話雙方要建立理性嘅恒常溝通平台，又寸「專業議政」嘅班議員實唔敢出席，因為佢哋唔似「三白眼」肯咁認真對待抗爭派嘅意見。

### 狂踩黃碧雲梁耀忠「唔肯衝」

更令人訝異嘅係劉穎匡仲昇埋位「三白眼」戴光環，當劉穎匡問政府明年再押後選舉，「主留飯民」應否再延任時，「三白眼」拍晒心口話唔會，因為佢講得出，做得到。劉穎匡其後又狂踩黃碧雲、梁耀忠等「唔肯衝」嘅議員，同時大誇「三白眼」同許智峯呢兩個日前分別涉暴動罪及妨礙司法公正而被捕嘅議員，十足想人哋「單飛」。咁「三白眼」有咩反應？微微一笑，無啦！完全冇幫其他黨友駁斥過劉穎匡，睇嚟民主黨真係夠晒「團結」。

# 「辯論」夾埋做騷？劉穎匡狂讚鴿廷

## 讚「三白眼」「好認真、好有心」 網民質疑有利益輸送

「三白眼」其後聲稱，若有民意基礎，「林卓廷」呢個名係無意思，所以佢會繼續代表民意，係議會查詢官員同留低文字紀錄，繼續道出去年元朗7·21事件嘅真相，引起國際注意。記得上次辯論個主體仲係「民主派」，點解今次好似變咗「三白眼」一人咁嘅？

「三白眼」其後聲稱，若有民意基礎，「林卓廷」呢個名係無意思，所以佢會繼續代表民意，係議會查詢官員同留低文字紀錄，繼續道出去年元朗7·21事件嘅真相，引起國際注意。記得上次辯論個主體仲係「民主派」，點解今次好似變咗「三白眼」一人咁嘅？

### 網民對「辯論」好失望

網民都話對呢場「辯論」好失望。「趙金城」就作咗首打油詩：「辯論原來內定先，弱智兒童口無言，內定樣（媒）人說爭辯，鋪定後路做議員，百萬年薪袋咗先……乜嘢叫做大辯論啊？點解姓劉個×街一句野都唔講，淨係識得點頭贊成六尺四嘅講嘢嘢，如果咁樣叫做大辯論，你講×晒嘢不如！」「王明橙」就問：「成個辯論似遊花園，事先夾定？定有利益輸送？」

「Bessie Leung」就話：「搞乜『大便論』，最終都係唔捨得12個月人工，大拿拿百二萬（元）。」「劉庭鈞」就回應：「乜佢會為民咩？不勝都只見佢為銀嘢。」「Waiho Cheung」就好奇：「慢必（陳志全）都話唔留，作為『民主派同路人』，你地（她）唔係唔陪佢？」「章謝」就幫忙解答：「林卓廷那（哪）有風骨！祇（只）有縮骨！」



咁都叫做「辯論」？

劉穎匡：「主留飯民」應否再延任？

林卓廷：唔會，因為我講得出、做得到。

設計圖片

# 話「劈炮」又話跟民調 慢必被寸「彈弓人」

**網議政事**

攞炒派去留議會一事上，「抗爭派」議員慢必（陳志全）同朱隊友（朱凱迪）一路都行得好前，搞到唔少「主留飯民」都好頭痛。前日，慢必又放風話自己個議員辦事處今個月30號結束，又話攞咗主席梁君彥請辭離任，朱隊友即刻話同慢必共同進退。點知到咗夜晚，慢必又話如果所有攞炒派議員都肯跟民調決定去留，佢都會跟，似乎又去意未決。有網民就揶揄慢必簡直係「彈弓人」，咁多套講法其實都只係爭取曝光。

### 朱凱迪話同慢必共同進退

陳志全日前向自己議辦所有職員發信，話將嘅月底會結束服務。同日，佢仲約埋梁君彥討論唔延任嘅約滿酬金安排，兼對「主留」嘅鴿黨（民主黨）踩多腳，話鴿黨根本冇晒傾向，大家唔會傾得埋。朱凱迪亦轉發該信，話同慢必共同進退。

### 陸頌雄揶揄佢「自我DQ」

工聯會立法會議員陸頌雄就轉發兩人嘅「宣言」，揶揄佢哋係「自我DQ」，又問佢哋做咩「選擇劈炮，下一步會不會是翠濤呢？」佢又笑言：「預計今年議會會比較順利」，「主留派」壓力大。一堆朱隊友支持者則齊心叫佢留低，話佢做議員先有多啲資源幫「同路人」咁話。

其實，呢條數個個都識計嘅。慢必前晚又話facebook話，如果所有攞炒派議員都肯跟民調決定去留，佢都會考慮跟。幾萬套說辭，為唔同情況做足華麗轉身準備。但佢可以華麗轉身，唔等於朱隊友得，因為鴿黨林卓廷前晚已經去咗朱隊友度踩場。林卓廷話，馬上進行選舉與堅守議會戰線「沒有根本上的矛盾」，繼續話要畀立法會入面擋住咁講，又話堅守議會係「不願見到手足白白犧牲」，道德高地似乎企得高過朱隊友，但朱隊友就連覆都有覆佢。

網民意見都分成支持「主留飯民」同堅持「杯葛」議會兩類。支持

「主留飯民」嘅「Kei Wong」叫大家睇清楚先：「先攞（搞）清楚，政府用『繼續延任，不用宣誓』，係委任，兩者有分別。」「Sam Kong」亦寸抗爭派有邏輯：「其實爭取重開宣（選）舉，同杯葛/留守議會之間嘅邏輯關係……」

支持「杯葛」議會嘅「Chi Pan Fung」向林卓廷喊話：「不要丟人現眼了，拒絕委任，捍衛香港人僅餘的一點尊嚴吧！」「Shirley Wong」亦話：「真係睇得出你班民主黨極想接受委任，不惜一切手段，從（沒）有去爭取重啟選舉，一味為留底（低）搵籍（藉）口。」「Chan May」寸「飯民」話：「嗰班『泛民』唔為大局，只為目前利益。」

有啲網民就繼續食花生，甚至認為慢必話走都係策略，事關唔少激進「手足」都話下屆一定投界拒絕延任嘅慢必同朱隊友。「Heihei Maggie Li」分析話：「犧牲一年，留歹（低）『手足』選票下屆選舉就真，只做好1年定再做4年好呀。」

香港文匯報記者 杜思文、甘瑜



網民製圖揶揄慢必轉口風搞到朱隊友跟唔切。

# 范國威「非科學」民調 話多數挺「飯民」延任

**特稿**

邊個話攞炒派民調一定要睇香港民意研究所嘅？「新民主同盟」區議員范國威就自己整咗份民調界大家參考，個民調仲發現有46.5%人支持「民主派」立法會議員延任一年嘅，多過話要總辭嘅39.5%，終於畀香港民研之外界到參考數據大家。有網民留言揶揄：「這很泛民，我很喜歡。」

范國威嘅日嘅facebook公布佢嘅WhatsApp短訊民調，話佢哋上個月26號到31號期間發咗1,939份問卷畀將軍澳軍寶區及運亨區街坊，收到26.9%、共521人回覆。結果顯示，多數人都支持「民主派」議員延任，好

認為應該延任嘅人中，主要係覺得「飯民」議員要「繼續為民發聲提出反對意見」、「繼續監察政府」等，反對嘅就係覺得「議會抗爭無用」、「未來一年議會非法違憲」等。

### 「觀察與分析」稱年輕人「撐留」

雖然范國威戴晒頭盔話自己個民調「並非科學化抽樣統計調查」，叫大家自己判斷參考價值，但佢哋都自己作咗「觀察與分析」出嚟，話「支持總辭與否，跟年齡無直接關係，很多支持總辭的街坊都是上了年紀的，相反，不少年輕街坊都支持留任」。

佢仲話，兩個立場的民意基礎相

近，建議「中間落墨」，「例如邀請初選勝出者參加『民主派』立法會議員的會議，以內部投票決定『民主派』議員在立法會的表決立場。」

### 網民揶揄「這很泛民，我很喜歡」

網民「Ben Cheng」留言揶揄：「這很泛民，我很喜歡。」「Edward Ng」亦話：「係囉，留啦！我唔會建議你們把『片酬』捐出來嘅；因為演這無恥角色也不容易呀。認住邊幾個，下次味使指責會投你！」

不過，傳統「飯民」都有支持者。「Joyce Poon」就暗寸有人分化：「尊重各位『民主派』立法會議員嘅任何



范國威搞個唔科學抽樣嘅WhatsApp短訊民調。

決定，感謝無放棄香港、香港人。兄弟爬山，各自努力。不割席，不分化，不篤灰。……各位議員請用自己嘅專業，對時局嘅理解去作出決定。」

香港文匯報記者 甘瑜

# 涂謹申：留守議會「抗爭派」唔該收聲

「飯民」個個都話攞炒，你估個個都想攞炒咩？攞炒論已經植根「黃絲」腦海，搞到明明只要延任就可以擁有嘅議席，變到好似難以伸手，鴿黨（民主黨）立法會議員涂謹申昨日就畀《蘋果日報》撰文，幫大家溝淡返攞炒情緒，強調「留守議會 寸土必爭」，仲話延任問題係「親共派和保皇黨在場邊不斷煽風點火或挑撥離間」，有「抗爭派」支持者睇完呢番火上加油嘅言論，留言叫涂謹申：「唔該你收聲啦。」

涂謹申畀篇文聲稱，延任爭議係「親共派和保皇黨在場邊不斷煽風點火或挑撥離間」，大家再分裂就係中咗對方圈套。佢跟手宣傳「飯民」畀議會可以「強而有力地揭露政府和保皇黨的醜惡面目」、「拖延和減少惡法、劣政通過」、「繼續質詢政府」，又話議會「仍有險可守」，如果唔係政府就「如入無人之境」可以通過一系列法案、議案。

佢雖然話「作為民意代表，去或留應由香港人授權」，但同時又叫市民參考佢哋嘅理據同判斷，「經深思熟慮」先好做決定。

不過，唔少「抗爭派」同留圍圍圍涂謹申。「Tam Tam」話：「你話民主係要聽市民講、以民為主，咁我係最平凡的市民，唔該你收聲啦。」「Gar Chi」反問講到「飯民」咁有用嘅佢過去有咩成績：「你地（她）又做過什麼？聲討就阻止左（咗）？講國際線，羅冠聰、黃台仰甚至流亡海外，但比你地（她）做得更多！」「Tk Lau」亦話：「好心收皮啦！枉稱民主派嘅民主黨！分化香港人！」

鴿黨支持者就群起反擊班「抗爭派」。「Henry Cheung」留言話呢班人係「五毛」、「藍絲」，「Nick Colour」直情爆粗鬧抗爭派有腦：「一班hi上腦既（嘅）以為唔留守以（議）會係代表乜乜乜，其實全部段×估，睇下國際線手足同佢懷松點講先啦！」

### 網民：唔使講咁多冠冕堂皇理由

「Michael Leung」就質疑「抗爭派」畀議會外有咩用：「抽象些講：一、民氣如民意般飄忽不定。二、民眾感覺並不同政治實力。……之後「抗爭派」具體可做什麼？不考慮這點便豪氣凜凜地自滅香火，要三思啊！」

香港文匯報記者 甘瑜

# 同心俱樂部赴吉林考察

香港文匯報訊（記者 李望賢 深圳報導）同心俱樂部主席陳紅天等一行日前應邀赴吉林考察。吉林省委書記巴音朝魯、省長景俊海、省委常委、省委秘書長胡家福、副省長蔡東等領導在長春會見代表團一行。巴音朝魯對同心考察團表示熱烈歡迎，並誠邀各企業家參與吉林建設。

### 巴音朝魯：歡迎參與建設

巴音朝魯說，考察團成員都是深港卓有成就的企業家、全國政協委員、全國人大代表，為香

港的繁榮穩定，粵港澳大灣區乃至全國的經濟社會發展作出了重要貢獻。當前，吉林正在認真謀劃「十四五」發展規劃，研究構建省內小循環、融入國內大循環、對接國內國際雙循環的發展體系，強化與國家重大區域發展戰略對接合作。歡迎各位企業家參與吉林建設，共同為新時代吉林全面振興全方位振興貢獻力量。

### 陳紅天：看好吉林發展

陳紅天對巴音朝魯和景俊海的會見表示感

謝，一一介紹了在座的各位企業家。他說，同心俱樂部成員旗下企業均是各行業的龍頭企業，同心成員及旗下企業都長期熱心公益慈善事業，多年來捐款總額逾十億元，年均捐贈超5億元。成員企業看好吉林的發展，將為吉林的振興與發展貢獻力量。

同心成員陳華、張思民、盧紹傑、舒心、王再興、李小勇等參加會見。吉林省政府秘書長王志厚、副秘書長徐亮、省商務廳廳長李志偉、吉林省政府駐深圳辦事處主任史鐵軍等陪同。在長春期間，吉林省委常委、組織部長王曉萍，吉林省政協副主席、民革吉林省委主委郭乃碩等分別會見代表團一行。



吉林省委書記巴音朝魯、省長景俊海日前會見陳紅天主席等同心俱樂部代表團一行。